



MEMORIA XUSTIFICATIVA PARA MODIFICACIÓN PUNTUAL DA RELACIÓN DE POSTOS DE TRABAJO DA AXENCIA DE PROTECCIÓN DA LEGALIDADE URBANÍSTICA E ADAPTACIÓN Á LEI 2/2015, DO 29 DE ABRIL, DE EMPREGO PÚBLICO DE GALICIA

1. Introducción

A Axencia de Protección da Legalidade Urbanística (en adiante, APLU) creouse pola Lei 15/2004, do 29 de decembro, de modificación da Lei 9/2002, do 30 de decembro, de ordenación urbanística e protección do medio rural de Galicia, como entidade instrumental encargada de velar pola utilización racional do solo e o cumprimento do ordenamento urbanístico, adscrita á consellería competente en materia de ordenación do territorio e urbanismo da Comunidade Autónoma galega.

Segundo o disposto na Lei 16/2010, de organización e funcionamento da Administración Xeral e do sector público autonómico de Galicia (en adiante LOFAXGA), a APLU ten natureza de consorcio autonómico, sendo unha entidade instrumental da Administración Xeral da Comunidade Autónoma dotada de personalidade xurídica propia e suxeita na súa actividade ás normas que rexen a organización, o funcionamento e a actuación das administracións públicas e no non previsto nelas, ó disposto nos seus estatutos. Para estes efectos, mediante Decreto 213/2007, do 31 de outubro, apróbanse os estatutos da APLU. A súa estrutura orgánica regúlase no Decreto 51/2008, do 6 de marzo, modificado por Decreto 451/2009, do 23 de decembro. Nel establécense as distintas unidades administrativas existentes e as funcións asignadas a cada unha delas.

O Real Decreto Lexislativo 5/2015, do 30 de outubro, polo que se aproba o Texto Refundido da Lei do Estatuto Básico do Empregado Público establece no seu artigo 74 que as Administracións Públicas estruturarán a súa organización a través de relacións de postos de traballo ou outros instrumentos organizativos similares que comprenderán, cando menos, a denominación dos postos, os grupos de clasificación profesional, os corpos e escalas aos que se adscriban no seu caso, os sistemas de provisión e as retribucións complementarias, sendo os devanditos instrumentos de carácter público.

Pola súa banda, a LOFAXGA no seu artigo 58 establece:





"1. O persoal ao servizo das entidades instrumentais do sector público autonómico poderá ser funcionario, estatutario ou laboral, de acordo co previsto nesta lei e na normativa aplicable aos empregados públicos.

2. A aprobación e modificación tanto do cadro de persoal como da proposta de relación de postos de traballo serán acordadas polos órganos superiores de goberno e dirección, logo do informe favorable dos centros directivos competentes en materia de orzamentos, avaliación e reforma administrativa e de función pública, e a contratación será decidida polo órgano que sinala a súa normativa específica ou seus estatutos. En todo caso a aprobación da relación de postos de traballo con persoal funcionario e ou laboral da Xunta de Galicia estará sometida na súa tramitación á normativa xeral establecida na Administración da Comunidade Autónoma de Galicia sobre modificacións ou aprobacións destes instrumentos de planificación de persoal."

Así mesmo, o artigo 28 da Lei 2/2015 de 29 de abril, de emprego público de Galicia (en adiante LEPG), sinala que a relación de postos de traballo é un instrumento técnico de carácter público que inclúe todos os postos de traballo de natureza funcional e laboral existentes en cada unha das administracións públicas incluídas no ámbito de aplicación desta lei.

Engadindo o seu artigo 14 que a competencia en materia de función pública, así como a coordinación e control da execución da política de persoal ao servizo da Comunidade Autónoma de Galicia corresponde á consellería competente en materia de función pública.

2. Xustificación funcional

A Relación de Postos de Traballo (en adiante, RPT) da APLU publicouse no Diario Oficial de Galicia (en adiante, DOG) núm. 104, de 30 de maio de 2008.

Posteriormente, e como consecuencia da modificación introducida pola Lei 15/2010 de 28 de decembro de medidas fiscais e administrativas no artigo 30 do Decreto Lexislativo 1/2008, polo que se aproba o Texto Refundido da Lei de función pública de Galicia, a Consellería de Facenda modificou de oficio todas as RPT da Xunta de Galicia para que nas mesmas quede reflectida a cobertura polo sistema de libre designación dos postos de traballo das xefaturas de servizo e equivalentes.





Posteriormente, no DOG núm. 71, do 13 de abril de 2012, publicouse a modificación da RPT da APLU, que introducía entre outros cambios, os seguintes:

“ ...

- *Creación do posto de asesor xurídico, para cumprila previsión legal recollida no artigo 21 do decreto 213/2007 polo que se aproban os estatutos da Axencia e no artigo 3 bis do Decreto 51/2008 introducido polo Decreto 451/2009.*”

Máis tarde, e para dar cumprimento ao disposto no artigo 25 da Lei 2/2013 de 27 de febreiro, de orzamentos xerais da Comunidade Autónoma de Galicia para o ano 2013, onde se indicaba que non se incluían no Anexo de persoal da citada Lei, e polo tanto non tiñan dotación orzamentaria, aquelas prazas das correspondentes relacións de postos de traballo que se atopasen vacantes sen ocupación, xurde a obriga de modificar as RPT co obxecto de levar a cabo a amortización das citadas prazas. No DOG núm. 139 de 23 de xullo de 2013 publicouse a modificación da RPT da APLU, que introducía os seguintes cambios:

“ ...

- *Supresión dos seguintes servizos:*

a. *Servizo de Inspección do Litoral asignando as súas funcións aos Servizos de Inspección I, II e III en función do ámbito territorial de actuación.*

b. *Servizo de Ditames e Informes para asignar as súas funcións ao Servizo de Inspección Urbanística correspondente encargado da tramitación dos diferentes expedientes.*

c. *Eliminación do posto base subgrupo C2 co código de posto MA.B01.000.15770.075”*

No ano 2014, e a consecuencia de que na modificación da RPT realizada no ano 2013 non fora posible levar a cabo á adaptación plena ao disposto no artigo 25 da citada Lei 2/2013 (dado que por unha parte estaban convocadas mediante as correspondentes Ordes os concursos para a provisión de postos de traballo vacantes na Administración da Xunta de Galicia e por outra existían adxudicacións de diversos postos que afectaban a diferentes postos da APLU), por este motivo e pola necesidade de dar cumprimento ao establecido no artigo 28.Dous da Lei 11/2013, fíxose necesaria outra modificación da RPT da APLU, publicada no DOG núm. 114 do 17 de xuño de 2014.

Considerando o tempo transcorrido dende a última modificación realizada, ponse de manifesto a necesidade de abordar unha modificación puntual da RPT baseada en diferentes causas.





3. Xustificación da necesidade de creación dun posto de Letrado/a-Asesor/a (nivel 28):

En primeiro lugar, tal e como argumentábase no parágrafo precedente, no ano 2012 creábase o posto de asesor/a xurídico/a da APLU, para cumprir a previsión legal recollida no artigo 21 do Decreto 213/2007 polo que se aproban os estatutos da Axencia e no artigo 3 bis do Decreto 51/2008, introducido polo Decreto 451/2009.

Tal e como xustifica a memoria emitida para o efecto pola actual Asesora Xurídica da APLU, asinada en data de 05.02.2021 e que consta neste expediente, a Asesoría Xurídica da APLU atópase actualmente conformada unicamente por unha Letrada Asesora.

Inicialmente o dito posto de traballo limitábase a asumir as funcións consultivas ou de asesoramento xurídico a esta concreta entidade, consonte ao previsto no artigo 13.2 do Decreto 343/2003, do 11 de xullo, polo que se aproba o Regulamento orgánico da Asesoría Xurídica da Xunta de Galicia. Isto é, asistencia técnica aos órganos colexiados, emisión de informes e ditames en Dereito, tanto preceptivos como facultativos, asistir a mesas de contratación, participar na redacción de textos normativos, así como a resolución de dúbidas ou consultas en dereito que poidan xurdir no seu da actividade desenvolvida pola APLU.

Porén, a partires do ano 2013, a consecuencia da aprobación da Instrución 1/2013 sobre regras de reparto de preitos da Asesoría Xurídica Xeral, encomendouse á Asesoría Xurídica da APLU o exercicio non só das devanditas funcións consultivas, senón tamén da función xurisdiccional, en particular, da defensa letrada de todos os procedementos ordinarios desta entidade, anteriormente repartidos entre os gabinetes territoriais da Asesoría Xurídica da Xunta de Galicia, o que incrementou notablemente a carga de traballo da Asesoría Xurídica da APLU.

A actividade crecente da APLU supón en igual medida un incremento dos litixios e do volume de traballo da súa Asesoría. Ademais, a diferenza doutras Asesorías unipersoais das diversas entidades da Xunta que se encargan da defensa de asuntos xurisdiccionais, nos que os preitos tramítanse ante unha única instancia ante o Tribunal Superior de Xustiza de Galicia, conforme ao artigo 10 da Lei 29/1998 de 13 de xullo, reguladora da xurisdición contencioso-administrativa (en adiante, LXCA); os preitos da APLU son competencia dos xulgados do contencioso-administrativo, de conformidade co establecido no artigo 8.3 da LXCA. A duplicidade de





instancias supón un incremento da carga de traballo asumida pola Asesoría da APLU, pois as sentenzas ditadas nos procedementos ordinarios en asuntos da APLU non son firmes, senón que cabe unha segunda instancia ante o Tribunal Superior de Xustiza de Galicia, mediante a interposición de recurso de apelación ou oposición á apelación, así como doutros trámites que a consecuencia do devandito recurso se substancien ante o referido tribunal.

Igualmente é frecuente nos preitos da APLU a solicitude de medidas cautelares, o que supón a intervención do letrado neste incidente -tamén ca posibilidade de recurso de apelación perante o Tribunal Superior de Xustiza- e nos preitos ordinarios é moi frecuente a práctica da proba pericial a practicar por arquitectos, técnicos municipais ou apareladores, que require o desenvolvemento dun trámite de proba ausente en preitos de carácter esencialmente xurídico, e polo tanto a súa preparación previa en colaboración co persoal técnico da APLU -servizo técnico ou subinspectores, así como a elaboración máis complexa do escrito de conclusións previo á sentenza.

Finalmente, aínda que a execución das sentenzas é competencia do órgano asistido, de conformidade co actual artigo 13 da Lei 4/2016 de 4 de abril, de ordenación da asistencia xurídica da Administración da Comunidade Autónoma de Galicia e do seu sector privado, dada a ausencia de servizo técnico-xurídico na APLU, esta Asesoría asume unha función de asesoramento continuo nos supostos de execución de sentenzas, así como en outros aspectos que requiren da súa colaboración nas relación cos órganos xurisdicionais, como o asesoramento na remisión de expedientes ao Xulgado e o emprazamento de interesados ou a comunicación con órganos xurisdicionais da orde penal (que dada a natureza da actividade da APLU a colaboración co Ministerio Fiscal e coa xurisdición do penal é habitual en relación cos delitos contra a ordenación do territorio).

Por último, a APLU tamén actúa como demandante en determinados procesos xurisdicionais en defensa do interese xeral que lle está atribuído pola lei. A APLU ten atribuída a competencia para impugnar licenzas dos concellos contrarias ao ordenamento urbanístico que afecten ao eido de competencias autonómicas. Esta actividade de impugnación require unha gran dedicación tanto na súa fundamentación xurídica como na práctica da proba co fin de destruír a presunción de veracidade e legalidade da actuación municipal.

E de igual modo, co fin de executar as resolucións firmes da APLU e levar a cabo a demolición das obras ilegais, é preciso en moitas ocasións a solicitude de autorización de entrada en domicilio perante os órganos xurisdicionais, das que





tamén se encarga a Asesoría Xurídica da APLU. Actividade que comprende non só a petición inicial, senón habitualmente a resposta a alegacións da parte contraria, así como a interposición de recursos de apelación ou oposición aos interpostos polos interesados.

En definitiva, en atención ao exposto, así como aos datos relativos ao elevado volume de preitos nos que é parte a APLU e que se poden consultar na listaxe confeccionada pola Asesoría Xurídica desta entidade que se achega anexa a esta memoria, considérase xustificado que co fin de poder desenvolver axeitadamente as funcións encomendadas á Asesoría Xurídica da APLU, ponse de manifesto a necesidade de creación dunha **nova praza de Letrado/a neste organismo, de nivel 28.**

CENTRO DE DESTINO: DIRECCIÓN XERAL AXENCIA DE PROTECCIÓN DA LEGALIDADE URBANÍSTICA – ASESORÍA XURÍDICA												
CÓDIGO TRABALLO	POSTO DE	DENOMINACIÓN	Niv.	Forma de provisión	Subgrupo	Corpo/Escal	Asdcr. Adm.P.	Área Funcional	Titulación	Formación específica	Observacións	
MAK01.00.000.15770.146		LETRADO/A ASESOR/A	28	CE	A1	XSL	AXG					

4. Amortizacións

En atención á experiencia acadada dende que esta entidade comenzou a súa andadura no ano 2008 no desenvolvemento da súa labor cotiá e coa finalidade de acadar unha Administración máis eficaz e eficiente que adecúe os seus recursos humanos ás necesidades actuais de funcionamento, **proponse a amortización dos seguintes postos:**

- Eliminación da “Xefatura de sección A”, co código de posto MA.K19.10.000.32001.010, denominación “Xefatura de sección de tramitación administrativa” (Servizo Provincial da APLU en Ourense).

Este posto de traballo leva vacante dende o 19.03.2016. Non se atopa cuberto por persoal interino nin temporal, nin está afectado polo concurso ordinario para a provisión de postos de traballo vacantes da Administración Xeral da Comunidade





Autónoma de Galicia convocado por Resolución do 25 de novembro de 2019, da Dirección Xeral da Función Pública (DOG núm. 226 de 27.11.2019).

Co obxecto de buscar un maior equilibrio e homoxeneización entre as diferentes xefaturas dos Servizos Provinciais da Axencia, atendendo á carga de traballo de cada unha, considérase que se pode amortizar este posto sen minorar o funcionamento deste servizo provincial. Non só en atención á experiencia observada nestes anos que leva vacante; senón tamén, co obxectivo de acadar unha homoxeneización respecto ao resto dos servizos provinciais que carecen dun posto de traballo equivalente, sen que estea acreditado un maior volume de traballo na provincia de Ourense.

- Eliminación do “Posto base agrupación Profesional”, co código de posto MA.K 0.100.000.15770.091, denominación “Subalterno” (Centro Directivo Dirección Xeral da APLU).

Este posto de traballo leva vacante dende o 18.07.2017. Non se atopa cuberto por persoal interino nin temporal, nin está afectado polo concurso ordinario para a provisión de postos de traballo vacantes da Administración Xeral da Comunidade Autónoma de Galicia convocado por Resolución do 25 de novembro de 2019, da Dirección Xeral da Función Pública (DOG núm. 226 de 27.11.2019).

Na RPT actual prevese dous postos de Subalterno nos servizos centrais da APLU. Porén, considérase que coa permanencia dun único posto de Subalterno quedan cubertas as necesidades do servizo, en atención á evolución das novas demandas organizativas derivadas da implantación da Administración electrónica. Por contra, as ditas demandas non permiten prescindir doutros postos administrativos ou auxiliares de apoio aos restantes postos dos servizos centrais, considerándose xustificada a amortización do posto de Subalterno.

5. Xustificación da modificación consistente na adaptación da RPT á LEPG

a) Provisión das xefaturas de servizo por concurso específico

Conforme ao establecido no artigo 91.1 da LEPG, o concurso específico aplicarase como sistema de provisión para aqueles postos de traballo para os que, polas súas





peculiaridades, así se determine na RPT. As xefaturas de servizo ou postos de nivel equivalente proveranse por este sistema, salvo aqueles que, polas súas especiais características, deban proverse polo sistema de libre designación, con convocatoria pública.

Atendendo ao contido da **Resolución do 25 de febreiro de 2016, da Dirección Xeral da Función Pública**, pola que se ditan instrucións para a tramitación de relacións de postos de traballo e a determinación dos criterios de excepcionalidade e funcións que definen as características que motivan a especial responsabilidade ou cualificación profesional dos postos de traballo de libre designación, de nivel 28 ou inferior, da Administración da Comunidade Autónoma de Galicia, considérase que **deben proverse por sistema de Concurso Específico** as Xefaturas de Servizo que se relacionan de seguido:

- Xefatura do Servizo de Administración e Xestión
- Xefatura do Servizo de Inspección Urbanística I
- Xefatura do Servizo de Inspección Urbanística II
- Xefatura do Servizo de Inspección Urbanística III
- Xefatura do Servizo Técnico

Neste senso, coa finalidade de levar a cabo á adaptación da RPT ao establecido na LEPG, propónse a modificación da RPT de forma que as ditas Xefaturas de Servizo se aprovisionen mediante concurso específico.

Dado que na situación precedente, a forma de provisión das Xefaturas de Servizo de Inspección Urbanística e do Servizo Técnico da APLU era a Libre Designación, permitíase o acceso aos ditos postos a corpos/escalas abertos a xeral/especial. A única escala de acceso especial para o caso das Xefaturas dos Servizos de Inspección Urbanística e do Servizo Técnico era a de Escala de Inspección Urbanística (Subgrupo A1). No caso dos Servizos Provinciais non se especificaba a escala especial, restrinxindo o acceso tan só en atención á titulación en dereito ou en arquitectura (2062 e 2001). Na práctica, á maioría das xefaturas destes servizos están ocupadas por funcionarios da escala de inspección urbanística. Algúns dos postos mediante provisión definitiva por libre designación previa á entrada en vigor da LEPG e nos outros casos por comisión de servizos.

Consonte á Guía Práctica da Dirección Xeral da Función Pública, os postos cuxo sistema de provisión non sexa o de libre designación, senón o de concurso (ordinario ou específico) deben especificar o corpo ou escala de acceso específico acorde coas funcións propias dos postos de traballo.





Deste xeito, atendendo a que as funcións dos Servizos de Inspección Urbanística e Servizo Técnico da APLU previstas no Decreto 51/2008, do 6 de marzo, modificado por Decreto 451/2009, do 23 de decembro, polo que se regula a estrutura orgánica da APLU enmárcanse dentro das funcións de *"estudo, xestión, tramitación e proposta de resolución dos resultados da actividade de inspección e control do cumprimento da normativa urbanística nos actos de edificación e uso do solo que se realicen na Comunidade Autónoma"* o corpo/escala de acceso debe ser o Corpo Facultativo Superior, Escala de Inspección Urbanística (Subgrupo A1), dividido en dúas especialidades (Técnica e Xurídica), en consonancia co previsto na disposición adicional novena da LEPG.

En atención ás funcións do concreto servizo previstas na estrutura orgánica da APLU e as necesidades formativas ou académicas propias de cada especialidade, restrinxirase a especialidade de acceso ao concreto posto á Técnica ou á Xurídica. Para determinar as especialidades de acceso, mantéñense as mesmas previsións da RPT precedente, que limitaba o acceso da escala de inspección urbanística en función da titulación académica. Deste xeito, os postos de traballo que figuraban restrinxidos á titulación en dereito (2062), poderán acceder o corpo/escala inspección urbanística, especialidade xurídica. Pola súa banda, aos postos que figuraban restrinxidos a titulados en arquitectura (2001), poderán acceder os da especialidade técnica, tendo en conta que consonte á LEPG abrangue tanto os titulados en arquitectura (2001), como enxeñería de camiños, canais e portos (2004).

Os códigos son os seguintes:

ESI1 ESPECIAL (ESC. INSPECCIÓN URBANÍSTICA - ESP. TÉCNICA)

ESI2 ESPECIAL (ESC. INSPECCIÓN URBANÍSTICA - ESP. XURÍDICA)

Consonte ao expostos, esta adecuación á nova lexislación afectaría aos postos que de seguido se indica:

CENTRO DE DESTINO: DIRECCIÓN XERAL AXENCIA DE PROTECCIÓN DA LEGALIDADE URBANÍSTICA									
CÓDIGO POSTO DE TRABAJO	DENOMINACIÓN	Forma de provisión	Subgrupo	Corpo/Escala	Asdcr.A dm.P.	Área Funcional	Titulación Académica	Formación específica	Observacións
MA.K01.00.000.15770.100	XEFAT DE SER. ADM E XESTIÓN	CE	A1-A2	XERAL	A12			640	





CENTRO DE DESTINO: SUBDIRECCIÓN XERAL AXENCIA DE PROTECCIÓN DA LEGALIDADE URBANÍSTICA									
MA.K 01.00.001.15770. 010	XEF. DE SERVIZO INSPECCIÓN URBANÍSTICA I	CE	A1	ESI2	AXG		2062		
MA.K01.00.001.15770. 020	XEF. DE SERVIZO INSPECCIÓN URBANÍSTICA II	CE	A1	ESI2	AXG		2062		
MA.K01.00.001.15770. 030	XEF. DE SERVIZO INSPECCIÓN URBANÍSTICA III	CE	A1	ESI2	AXG		2062		
MA.K01.00.001.15770. 050	XEF. DE SERVIZO TÉCNICO	CE	A1	ESI1	AXG		2001		

b) Provisión das xefaturas de servizo provinciais por libre designación

Atendendo ao contido da **Resolución do 25 de febreiro de 2016, da Dirección Xeral da Función Pública**, pola que se ditan instrucións para a tramitación de relacións de postos de traballo e a determinación dos criterios de excepcionalidade e funcións que definen as características que motivan a especial responsabilidade ou cualificación profesional dos postos de traballo de libre designación, de nivel 28 ou inferior, da Administración da Comunidade Autónoma de Galicia, considérase que **deben proveerse por sistema de Libre Designación as Xefaturas dos Servizos Provinciais da APLU.**

As razóns deste sistema de provisión están previstas dentro dos criterios de excepcionalidade previstos no apartado "Cuarto", punto 3.1 da devandita Resolución do 25 de febreiro de 2016. Deste xeito, enténdese que concorre un criterio de excepcionalidade nos postos de traballo de nivel 28 con funcións que impliquen o cumprimento das seguintes atribucións:

"...3. Especial responsabilidade por garantir o adecuado exercicio de autoridade e/ou inspección administrativa da Xunta de Galicia. A especial responsabilidade está en razón de ser garante do exercicio dos dereitos e deberes da cidadanía.

Estas responsabilidades atópanse no exercicio das seguintes funcións:

3.1. A coordinación ou dirección da inspección, nun determinado ámbito administrativo, sempre que non exista un posto xerárquico superior dos comprendidos na relación de postos de traballo."





En atención a que os postos de Xefatura de Servizos Provinciais exercen de forma descentralizada as funcións de exercicio de autoridade pública e dirección ou coordinación da inspección urbanística no correspondente ámbito territorial, supoñendo no dito ámbito o posto de traballo xerarquicamente superior, considérase que nos atopamos ante un dos criterios de excepcionalidade que motivan o sistema de provisión mediante Libre Designación.

Os postos estarán abertos a Xeral/Especial, reservada neste último caso a Escala de Inspección Urbanística, podendo acceder desde calquera das especialidades Técnica ou Xurídica. O código que abrangue ambas especialidades da Escala de Inspección Urbanística nas táboas de equivalencias da RPT é: **ESIU ESPECIAL (ESC. INSPECCIÓN URBANÍSTICA)**

CENTRO DE DESTINO: SERVIZO PROVINCIAL DA AXENCIA NA CORUÑA									
MA.K19.10.000.15001.001	XEF. DE SERVIZO PROVINCIAL DA AXENCIA NA CORUÑA	LD	A1	XERAL/ESIU	AXG		2001-- 2004- 2062		
CENTRO DE DESTINO: SERVIZO PROVINCIAL DA AXENCIA EN LUGO									
MA.K19.10.000.27001.001	XEF. DE SERVIZO SERVIZO PROVINCIAL EN LUGO .	LD	A1	XERAL/ESIU	AXG		2001-2004- 2062		
CENTRO DE DESTINO: SERVIZO PROVINCIAL DA AXENCIA EN OURENSE									
MA.K19.10.000.32001.001	XEF. DE SERVIZO PROVINCIAL DA AXENCIA EN OURENSE	LD	A1	XERAL/ESIU	AXG		2001-2004- 2062		
CENTRO DE DESTINO: SERVIZO PROVINCIAL DA AXENCIA EN PONTEVEDRA									
MA.K19.10.000.36001.001	XEF. DE SERVIZO PROVINCIAL DA AXENCIA EN PONTEVEDRA	LD	A1	XERAL/ESIU	AXG		2001-2004- 2062		

c) Referencia ás áreas funcionais dos postos non reservados a escalas específicas:

Por outra banda, consonte ao disposto na Orde do 10 de maio de 2017 pola que se fixan os criterios xerais para a elaboración das relacións de postos de traballo da Comunidade Autónoma de Galicia, se aproba o modelo e se ditan instrucións para o cubrir, apréciase necesario engadir a referencia a área funcional dos seguintes postos de traballo:





CENTRO DE DESTINO: DIRECCIÓN XERAL AXENCIA DE PROTECCIÓN DA LEGALIDADE URBANÍSTICA									
CÓDIGO POSTO DE TRABAJO	DENOMINACIÓN	Forma de provisión	Subgrupo	Corpo /Escala	Asdr. Adm.P.	Área Funcional	Titulación Académica	Formación específica	Observacións
MA.K01.00.000.15770.110	XEF. SECCIÓN ECONÓMICA E HABILITACIÓN	CE	A1-A2 -C1	XERAL	AXG	ECO		506	DISPONIBILIDADE HORARIA (ACORDO DO CONSELLO DA XUNTA DO 30/12/2008)
MA.K01.00.000.15770.120	XEF. SECCIÓN DE PERSOAL E RÉXIME INTERIOR	C	A1-A2-C1	XERAL	AXG	PER			

d) Postos reservados a escalas específicas por razóns funcionais:

Con respecto aos postos reservados a unha escala especial da Xunta de Galicia, polas específicas funcións desenvolvidas, **non é necesario que conste na columna correspondente a titulación académica que fora precisa para o ingreso no concreto grupo/subgrupo e escala**, agás que o posto requira a posesión doutra titulación académica.

Deste xeito, os postos de traballo reservados á **escala de letrados** non precisan que se indique a titulación 2062, que xa é necesaria para o ingreso na devandita escala. Tal é o caso dos seguintes postos:

CENTRO DE DESTINO: DIRECCIÓN XERAL AXENCIA DE PROTECCIÓN DA LEGALIDADE URBANÍSTICA – ASESORÍA XURÍDICA									
CÓDIGO POSTO DE TRABAJO	DENOMINACIÓN	Forma de provisión	Subgrupo	Corpo/Escala	Asdr. Adm.P.	Área Funcional	Titulación Académica	Formación específica	Observacións
MAK01.00.000.15770.145	ASESOR/A XURÍDICO/A nivel 30	LD	A1	XSL	AXG				
MAK01.00.000.15770.146	LETRADO/A ASESOR/A nivel 28	CE	A1	XSL	AXG				

Como xa se indicou anteriormente, os postos de traballo reservados á **escala de inspección urbanística, subgrupo A1** realizan funcións de “estudo, xestión, tramitación e proposta de resolución dos resultados da actividade de inspección e control do cumprimento da normativa urbanística nos actos de edificación e uso do





solo que se realicen na Comunidade Autónoma"consonte ao previsto na disposición adicional novena da LEPG. Na actualidade os postos si especifican a titulación académica, xa que esta escala divídese en dúas especialidades en atención á formación académica, que son as seguintes:

- **Especialidade Técnica**, para a que é preciso a titulación de arquitectura ou a de enxeñería de camiños, canais e portos, graduado ou máster que habilite para o exercicio da profesión de arquitecto/a ou de enxeñeiro/a de camiños, canais e portos. As ditas titulacións están codificadas como 2001 e 2004.

- **Especialidade Xurídica**, para a que é preciso a titulación de licenciatura ou grao en dereito, codificada co número 2062.

Na descrición dos postos reservados á especialidade técnica da escala de inspección urbanística detectáronse diverxencias co previsto na disposición adicional novena da LEPG, xa que só figura a referencia á titulación 2001, polo que debería figurar ademais a referencia 2004, prevista tamén para o ingreso nesta especialidade da escala de inspección urbanística á que están reservados os postos. Tal é o caso do posto de Xefatura de Servizo Técnico e dos postos de inspector/a urbanístico/a que estean na actualidade abertos á titulación 2001.

Porén, tendo en conta que as especialidades están codificadas, **proponse a substitución da referencia ás titulacións de acceso a cada unha das especialidades nas que se divide esta escala de inspección urbanística polo código correspondente**, coa finalidade de especificar cal é a especialidade funcional do concreto posto de traballo.

Algúns dos postos de inspector/a urbanístico/a permiten ser ocupados por funcionarios da escala de inspección urbanística de calquera das especialidades, xurídica ou técnica. A experiencia amosa que esta apertura facilita modular as necesidades organizativas que van demandando os diferentes servizos de inspección da APLU. Por este motivo, **proponse a apertura doutros tres postos a ambas especialidades.** Un dos postos propostos atópase vacante e os outros dous están ocupados por persoal interino que dispón da titulación 2062, no lugar da prevista na RPT actual que é a 2001. Esixirase para o novo acceso a estes postos a acreditación da formación específica 954 requirida para inspectores/as urbanísticos/as da especialidade técnica.

Os postos que se propón abrir a ambas especialidades son os seguintes:





CENTRO DE DESTINO: DIRECCIÓN XERAL AXENCIA DE PROTECCIÓN DA LEGALIDADE URBANÍSTICA									
CÓDIGO POSTO DE TRABAJO	DENOMINACIÓN	Forma de provisión	Subgrupo	Corpo /Escala	Asdcr. Adm.P.	Área Funcional	Titulación Académica	Formación específica	Observacións
MA.K01.00.000.15770.036	INSPECTOR/A URBANÍSTICO/A	C	A1	ESIU			2062-2001-2004	954	
MA.K01.00.000.15770.037	INSPECTOR/A URBANÍSTICO/A	C	A1	ESIU			2062-2001-2004	954	
MA.K01.00.000.15770.038	INSPECTOR/A URBANÍSTICO/A	C	A1	ESIU			2062-2001-2004	954	

Pola súa banda, os postos de traballo reservados á **escala de subinspección urbanística, subgrupo A2** non precisan que se indique as titulacións 3001- 3007 ou calquera das que sexan requiridas para o ingreso na devandita escala, consonte á disposición adicional novena da LEPG. Código na táboa de equivalencias EMIU (Escala de subinspección urbanística).

Por último, con respecto aos postos de **negociado de delineación**, a disposición adicional novena, apartado 3 da LEPG crea a escala técnica de delineantes, dentro do corpo de técnicos de carácter facultativo, Grupo B, non sendo imprescindible precisar as titulacións que xa foran esixidas para o acceso a esta escala, consonte ao previsto nesta disposición legal. Porén, cómpre precisar que consonte ao apartado 8 da devandita disposición adicional declárase **“a extinguir” a escala de delineantes do corpo de axudantes de carácter facultativo, subgrupo C1**, ata que se leve a efecto o previsto na disposición final segunda da LEPG.

CENTRO DE DESTINO: DIRECCIÓN XERAL AXENCIA DE PROTECCIÓN DA LEGALIDADE URBANÍSTICA									
CÓDIGO POSTO DE TRABAJO	DENOMINACIÓN	Forma de provisión	Subgrupo	Corpo /Escala	Asdcr. Adm.P.	Área Funcional	Titulación Académica	Formación específica	Observacións
MA.K01.00.000.15770.052	NEGOCIADO DE DELINEACIÓN	C	C1	ESPECIAL (DELINEANTES)					
MA.K01.00.000.15770.054	NEGOCIADO DE DELINEACIÓN	C	C1	ESPECIAL (DELINEANTES)					

Santiago de Compostela,

O director da Axencia de Protección da Legalidade Urbanística

Asinado dixitalmente na marxe

Rúa dos Camiños da Vida, s/n
Edificio Witland, 1º andar
15705 Santiago de Compostela
Tfno.: 981 544 387
Fax: 981 545 335

